

UPRAVI DRUŠTVA

GENERALNA DIREKCIJA

Broj: U.D-01-04-18945/22
Sarajevo, 06.12.2022.godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14), člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, broj: U.D-01-3.2-5233/15 od 04.03.2015. godine, te prijedloga - preporuke Komisije za nabavku usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2023. i 2024. godini, broj: 07.4-11-9-14880-20/22 od 05.12.2022. godine, Uprava Društva na 182. elektronskoj sjednici održanoj dana 06.12.2022. godine, donosi:

O D L U K U O IZBORU NAJPOVOLJNIJEG PONUĐAČA

I

U postupku javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2023. i 2024. godini, ovom odlukom se vrši izbor najpovoljnijeg ponuđača: „ JP MEĐUNARODNI AERODROM SARAJEVO “ d.o.o. Sarajevo, sa ukupnom vrijednošću ponude u iznosu od 134.000,00 KM, bez uračunatog PDV-a, odnosno ukupnom vrijednošću u iznosu od 148.280,00 KM, sa uračunatim PDV-om.

II


Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Izabrani ponuđač nije dužan dostaviti dokaze predviđene članom 45 Zakona o javnim nabavkama u formi i sadržaju kako je to zahtijevano u tenderskoj dokumentaciji obzirom da je uz ponudu istovremeno dostavio i tražene dokaze.

O B R A Z L O Ž E N J E

Na osnovu Odluke o pokretanju postupka javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2023. i 2024. godini, broj: U.D.01.04-15321/22, od 05.10.2022. godine i Rješenja Generalnog direktora za provođenje postupka predmetne nabavke (u daljem tekstu: Komisija), broj: 01-11-9-14880-2/22, od 07.10.2022. godine proveden je otvoreni postupak javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2023. i 2024. godini i to objavljivanjem obavještenja o nabavci na Portalu javnih nabavki, broj: 238-1-2-638-3-135/22, od 28.10.2022. godine i ispravke za obavještenje o nabavci na Portalu javnih nabavki, broj: 238-1-2-638-8-151/22, od 23.11.2022. godine. Za predmetnu nabavku je predviđeno zaključenje ugovora na period do 2 godine.



Javno otvaranje ponuda u postupku predmetne nabavke održano je dana 01.12.2022. godine sa početkom u 10:15h u prostorijama Generalne direkcije "JP BH POŠTA" d.o.o. Sarajevo, o čemu je sačinjen zapisnik o otvaranju ponuda, broj: 07.4-11-9-14880-19/22 koji predstavlja sastavni dio ovog Zapisnika-Izvještaja. Javnom otvaranju ponuda nije prisustvovao iko od predstavnika ponuđača koji je dostavio ponudu. Kopija zapisnika je poslana ponuđaču koji je dostavio ponudu e-mailom isti dan.

Komisija je prije samog otvaranja ponuda konstatovala slijedeće:

- da je tenderska dokumentacija objavljena na Portalu javnih nabavki;
- da je ukupno 5 (pet) potencijalnih ponuđača preuzelo tendersku dokumentaciju sa Portala javnih nabavki;
- da je do roka za dostavljanje ponuda pristigla ukupno 1 (jedna) ponuda;
- da je koverta sa ponudom neoštećena, uredno zapakovana i zapečaćena;
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Na Protokol ugovornog organa, do roka određenog za prijem ponuda, pristigla je ponuda slijedećeg ponuđača, i to:

1. „ JP MEĐUNARODNI AERODROM SARAJEVO “ d.o.o. Sarajevo

Komisija je prilikom otvaranja ponude pročitala podatke o nazivu i sjedištu ponuđača, ukupnu cijenu ponude i eventualni popust, ne praveći pri tom uvid u sadržaj i validnost dostavljene dokumentacije.

Nakon izvršenog otvaranja ponude Komisija je pristupila analizi dokumentacije priložene uz ponude u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je tom prilikom konstatovala sljedeće:

- Ponuda ponuđača „ JP MEĐUNARODNI AERODROM SARAJEVO “ d.o.o. Sarajevo sa ukupnom vrijednosti ponude, bez uračunatog PDV-a u iznosu od 134.000,00 KM, bez ponuđenog popusta za otpremu vreća za inostranstvo i popustom 40% za preuzimanje vreća iz inostranstva je kompletna i u potpunosti ispunjava sve uslove ugovornog organa iz tenderske dokumentacije, te je kao takva ocijenjena prihvatljivom za ugovorni organ. Također je konstatovano da je PDV obračunat samo na uslugu preuzimanja vreća iz inostranstva.

Cijeneći činjenično stanje Komisija konstatuje da je za javnu nabavku usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2023. i 2024. godini pristigla ukupno jedna prihvatljiva ponuda za Ugovorni organ.

Ugovorni organ je za predmetnu nabavku predvidio provođenje e-aukcije ali s obzirom na to da je pristigla ukupno jedna prihvatljiva ponuda, te cijeneći Pravilnik o uslovima i načinu korištenja e-aukcije, član 3. stav 3., Ugovorni organ neće zakazivati e-aukciju već će nabavku okončati u skladu sa članom 69. Zakona.

Na osnovu gore navedenog, a shodno utvrđenom kriteriju „ najniža cijena “, Komisija utvrđuje rang-listu ponuđača sa uračunatim popustom i bez PDV-a, kako slijedi:



1. „ JP MEĐUNARODNI AERODROM SARAJEVO “ d.o.o. Sarajevo, sa cijenom od 134.000,00 KM.

Obzirom da ponuda ponuđača „ JP MEĐUNARODNI AERODROM SARAJEVO “ d.o.o. Sarajevo u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove, odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i/ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.



GENERALNI DIREKTOR

mr.sci. Mirsad Mujić

Dostaviti:

- Sektoru za poštanski promet (Nosilac posla);
- Sektoru za ekonomsko finansijske poslove;
- Službi Marketinga (za objavu);
- Ponuđaču putem Komisije za nabavku;
- Odjeljenju za Javne nabavke;
- Arhivi U.D.
- a/a

